

139

31.

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS;
*manè discutienda in Scholis Medicorum die Martis undecimâ
Aprilis M. DCC. XLÏ.*

M. HIACINTHO-THEODORO BARON, Doctore
Medico, Antiquo Facultatis Decano, in locum M. PETRI
MARAIS à Facultate Suffecto, Præfide.

An Prolem lactare Matribus saluberrimum?

L.

FEMINA non tam sibi, quam procreandis educandisque liberis nata. Vix dum bis septem complevit annos, hanc mox fore viro maturam prænuntiant mammæ fororiantes, lumborum gravitas, dolor coxendicum, spontanea artuum lassitudo, ciborum fastidium. Hæc symptomata brevi fugat manans ex utero sanguis, puellamque toro prorsus habilem efficit. Menstruâ quaque periodo, pari stipatus comitatu, effluit redundans humor sanguineus, donec utero gerat mulier; tunc ut plurimum cessant Menstrua, humorem superfluum matrique inutilem in sui nutrimentum absorbente fœter. At parum esset naturam non nato infanti providisse, nisi & adhuc à matre recentis molitudini accommodatum parasset pabulum. illud est mammarum munus. Ut primum è carcere materno in auras prodit tenellus homuncio, protinus non jam distenta ampliùs uteri fornix constringi, vasa ipsam alluentia ad nativam redire diametrum, contenti humores, hinc Lochiorum nomine foras emitti, illinc retrò conversi vicina latè loca distendere, turgescere uberiori sanguinis copiâ arteriæ Epigastricæ, appellenti per sibi copulatas Mammillarum internarum ramificationes sanguini fortius resistere, ille per ramos ipsinet mammarum substantiæ prospicientes ferri copiosius, illos ampliare, mammæ hinc dolere & intumescere, hinc lacteus humor à sanguine separari, primis à partu diebus dilutior, spissior deinceps evasurus, cum sensim sine sensu laxatâ mamynarum compage, spasmus & dolor remiserint, ampliorefque caseosis & butyrosis partibus patebunt viæ. Lac tali secretum artificio quantum puerulo conveniens est alimentum, tantùm matri omnino est inutile, quin etiam ejusdem sanitati infensissimum, nisi eadem emulgeatur, quâ feceritur proportionem. Candidos igitur latices tenero vagitu efflagitanti puero furdas ne præbeat aures mater puerpera, ipsam pudeat, à feris sylvestribus materno in natos amore superari. At si, vel feris ipsis feriozem, nulla propriæ prolis tangat cura, sibimet ipsi saltem consulat. Oculis infantulo fugendos denudet lactei roris eburneos fontes, firmiorem inde sibi certò comparatura sanitatem. Illud enim saluberrimum esse nullus inficias

ibit, cujus beneficio, foras amandatur humor materno corpori inutilis, qui tum in vasis excretoriis commorando, tum ad massam sanguineam revertendo, morbis curatu difficillimis daret occasionem.

I I.

EA est humani corporis structura, ut necessitate quâdam mechanica, varii è sanguinis sinu secernantur humores. Illorum ad servandam valetudinem maxima utilitas. Si quâcumque de causâ debitis in locis separari cessaverint, numerosa statim præstò est ægritudinum cohors. Num erethismo lab-orat glandulosa renum substantia? haud mora muriatico humore inquinatus sanguis totum genus membraceum salitudine suâ pungit, vellicat, inordinatos trahit in motus, urinam redolentia æger vomitu rejcit, delirat, convulsionibus universum quatitur corpus, mors tandem succedit miserrima, nisi artis beneficentissimæ auxilio, urinæ per renum colatoria restitatur secretio. Num obstructis quoquo modo, tendentibus ad hepar venæ portarum ramificationibus, bilis impeditur separatio? æger fastidit cibos, ingesta malè concoquit, Alvus siccescit, os amarescit, lotium croceo colore infectum redditur, Erysipelate, aut etiam Phlegmone fœdatur cutis, Adeo massæ sanguinæ permistos remanere varios humores periculosum! nec minora sanitati imminet damna, ubi ex aliorum consortio extricatus humor quilibet (negato exitu) propriis hæret in conceptaculis, vel inde à vasis lymphaticis exsurgit ad sanguinem deferendus. Quoties ab intempestivâ perspirationis insensibilis suppressione, sævissimis Rheumatismi doloribus, torquentur membra, atrocissimis Podagricæ cruciatibus divexantur articuli? Quot ab eadem causâ repetendæ Pleuritides, Peripneumonia, Diarrhææ, febres catarrhales, Anginæ, Ophthalmiæ? Quot ægros tumulavit latex urinosus, in corpore retentus aut à vesicæ Paralyfi, aut ab ejusdem sphincteris contractione spasmodicâ, in etiam a calculo ureteris viam claudente? Quantas sæpè parit tragœdias, in jecore secreta bilis, liberum per ductus hepaticos iter non inveniens? Quin & ipsarum fecum in intestinis remora gravissimos nonnunquàm efficit morbos, hæmorrhagias, vertigines, hemicranias, dolores colicos, passionem iliacam. Numquid non à suppressis mensibus funestissima pullulant aliquando quæ mulieres adoriuntur mala, hæmoptysis, vomitus cruentus, hysterica passio, comatosi affectus, convulsiones, cordis palpitatio? numquid impeditus in puerperis Lochiorum fluxus, Apoplexias quandoquæ non producit lethiferas, crudelia ventris tormina, immanes Cardialgias, uteri inflammationem, aliaque horrenda generis ejusdem symptomata. Quisquis igitur tranquillos absque dolore soles condere expetit, institutum à naturâ varis in organis humorum separationem feriari non sinat: hanc convenienti sex rerum non naturalium usu promoveat; grande credat piaculum, secreti cujuslibet humoris ab organo secretorio effluxum omni operâ non adjuvasse, illudque habeat tanquam causa plurium morborum frequentissima, quos præcavere longè facilius est quàm expugnare.

I I I.

QUEMADMODUM à secundo ad septimum usque circiter ætatis septenarium, mensium fluxu carere tutò nequit femina non prægnans, ita & matrem impunè ab infantum nutritione discedere difficillimum est. Eadem lactis quæ Catameniorum materia, quæ lactant mulieres per uterum non repurgantur, id saltem raro contingit. Uterque humor in corpore muliebri superfluit. Illius egestio ab uteri peculiari fabricâ pendet, alterius ab infantis suctu perficitur. Quot & quantos matri impendentes avertat morbos ab ejus ubere pendens puerulus, ostendit natura lactis attentius considerata. Triplex lac constituit substantia, a quæ, & ferum audit; salino-terrea, caseum dicunt; oleosa tandem, quæ butyrum nuncupatur. Quietè diuturniori succedunt ab invicem heterogenea hæc lactis prin-

3
cipia. In excretoriis mammarum non lactantium tubulis quiescit lac. Quid inde triplicem resolvitur in substantiam. Oleosa sibiimet permixta acris fit & rancida, continentia vasa stimulat, erodit; tum vasorum lymphaticorum ope (numerosa in mammis reperiuntur) ad sanguinem reiecta, motuque circulari abrepta, accenditur, aestuat, alios humores exagitat, febres parit inflammatorias. Aquea pars utpote fluidior, massam sanguineam rursus ingreditur, per renes amandanda, quandoque sub feri tenuioris formâ papillis exit. Quid interim de caseosâ parte? sero in dies spoliata, crassescit, induratur, in tubulis Galactophoris congeritur, gypseam æmulatur soliditatem, uno verbo in scirrhum degenerat, hinc vicina comprimuntur vasa sanguifera, hinc impedita in mammis circulatio, hinc inflammatio, suppuratio, cancer exulceratus letho sæpissimè finiendus. Quò quis humor à sanguine separandus, circulationi minus idoneis & crassioribus constat pareibus, eò intra sanguinis massam hunc retineri periculosum magis. Talem esse lactis indolem per se patens est. Quantis itaque agitudinibus non lactantes feminas plecti necessum est? præterquam quòd superfluo ac inutilli humore non liberantur, sicque ipsis metuendi sunt quotquot à plethora natales ducunt morbi, ille est insuper lactis genius, ut facillimè spissescat & grumos agat: plethoræ igitur adijungat se comitem Cacochymia. Qualis porro Cacochymia species? cœnosa & lutulenta humorum Diathesis, fluiditatis inimica. Lacteo humore luxurians sanguis, omnes vitia bibeat secretiones, hærebit in capillaribus, mille pariet obstructions mox daturas progeniem vitiosiore.

I V.

HACTENUS ratione stabilitam de noxis ab effuso (ut vocant) lacte sententiam, heu frequens nimium! ulterius confirmat experientia. Decumbentes à partu adeam non lactantes puerperas. Dictu horrendum, quam multa, quam crudelia, quam pertinacia, ipsas undiquè circumveniant incommoda! Modò vul-tum occupat Erysipelas, inde tumet facies doletque, scintillant oculi, pulsant tempora, lancinans adest capitis dolor, totidem retenti intra molem sanguineam lactei humoris partus infelices. Modò lymphæ lentior facta, hic & illic moras necit, cumulat in glandulis, tumores gignit durissimos, Parotides, strumas, scirrhos. Modò impatibiles non lactantium femora distrahunt dolores, ingenisque medentibus facessunt negotium. Alias incarcerationum in matris corpore, recens nati alimentum præ calore expanditur, febresque accendit varii generis, quas inter exanthematicæ omnes, præsertim quæ purpurata dicitur, sive rubra sit Purpura, sive alba, magnoperè pertimescendæ. Clinici notissimum est lacteum succum passim per viscera & artus vagantem, abscessus aliquandò generare periculosissimos non nisi ferro debellandos, quibus in speciem sanatis, alii non desunt pari arte oppugnandi, sæpissime cum pari successu. Nonnunquam ab ingratis maris pœnas reposcit pleuritis gravissima, illamve exhaurit fluens alvus, confodit penè, atrox intestinorum inflammatio, molesta angit suffocatio. Quandoque ipsius lactis afficiuntur receptacula, quibusque deliquit, in isdem potissimum partibus multatior parens inhumana, mammæ varii infestant tumores, ulcera deturpant, cancri exedunt. Est & ubi in mali partem trahitur uterus, taboque & sanie dissiluit humani generis officina. Hæc sunt quas secum Galliis intulit pestes, prolem non lactandi mos pessimus. Tot procellis jactatam non vivunt vitam illarum regionum mulieres, apud quas naturam sequendi ducem maxima religio, vetat infantes conductitiis mammis alendos tradere.

V.

ATTAMEN, inquires, multæ sunt non lactantes feminæ quæ optimâ fruuntur valetudine. Quid ad nos? si partu frequentissimo fatiscant tandem illæ viri-vires, solidiorumque frangatur Elater, undè proles numerosa quidem sed debilis.

4

utpotè infirmo in corpore generata. Hæc vitant incommoda quæ prolem nutriunt matres. Ita enim est statutum à naturâ, ut Veneris præmia rarissimè ferant nutrices. Uterum agro non ineptè comparaveris, non secus ac agri interpositâ quiete non reparati, effœti sunt, raramque emittunt segetem, uterus pariter non intermisso partu exhaustus, concreditum sibi, malè educat hominis germen. Quandiu lactat mulier, amissum uterus recuperat tonum novasque accipit vires, ut pulchrâ sanâque prole rursus beet parentes. Procul hinc malefana quorundam consilia, qui sexui (haud dubiè colendissimo) blandiendo nimis, ipsum crudeliter enecant. Quid molestiùs inquit quàm clamores inter & ejulatus infantis, vitam trahere? Quid tædiosum magis quàm puerulum ulnis continenter gestare, ipsiusque ad ora papillas identidem admovere. Egregia profecto difficultas! Quasi verò huic quoque rei maximè subventum non esset à naturâ. Hæc quippe tantam maternis animis in natos caritatem insovit, ut quicquid prolis causâ susceperint, nedum cum tædio & molestiâ, quin etiam incredibili cum gaudio illud aggrediantur; imò visæ sunt primiparæ quas ex avulsâ prole, alienis uberibus nutriendâ mœror exulit inconstabilis. Sed dicant vicissim, num satiùs est torqueri morbis periculosissimis? Num gravia sunt minùs gestationis incommoda, cibi fastidium, Pica, Malacia, absurdorum appetitus, Cardialgia, Nausea, Vomitus, Stranguria, Dysuria, Tenesmus, Hæmorrhoides, crurum inflatio & inde subsequens difficilis progressio? Verùm insurgunt alii, adsunt rationes quibus præcaveantur noxæ ab effusio lacte oriundæ, aut etiam ejusdem impediatur effusio. Felicem utinam sortireatur effectum tot adhiberi solitæ in non lactantium morbis, evacuationes omnis generis. Præterea nonne insipientis est morbum etiam curatu facillimum consultò admisisse, qui facillimo declinari poterat negotio? Ergo canibus ultro offerent mammas mulieres, quas infantibus denegarunt? talia meminisse horret animus. Urges adhuc, debilioris sunt temperamenti urbanæ matres, quàm ut illarû sanitatem tantam perferre valeant evacuationem, quantam solent experiri lactantes, compertum enim est experientiâ nutrices quasdam duas lactis libras quotidie emittere. Apage erroneam opinionem, debilitas illa non aliundè provenit, quàm ex eo quòd materna non suserunt ubera, sed & ipsi optimè medetur infantum nutritio; hujus enim ope foras emittitur humor qui mole suâ gravaret partes, huic oneri ferendo præ suâ mollietate impares; & id adeo verum est, ut inter feminas non lactantes, illæ graviùs ægrotent quæ vitreâ, ut ita dicam, donantur valetudine. Malâ igitur non amplius utantur matres consuetudine, eoque majora sibi ex prolis lactatu spondeant emolumenta, quod dum eas nutriendi infantes cura tenet, nec mensis opiparis accumbendi, nec in seram noctem cenas protrahendi tempus superest, sicque permultas morborum effugient occasiones. Quid plura? Concludamus.

Ergo Prolem lactare Matribus saluberrimum.

Proponebat Parisiis THEODORUS BARON, Parisinus,
Baccalaureus Medicus, A. R. S. H. 1741,
à sextâ ad meridiem.